

Kekalkan keharmonian

Oleh NAZARUDIN SHAHARI

nazarudin.shahari@utusangroup.com.my

KUALA PILAH 14 Jan. - Rakyat perlu mengambil iktibar daripada masalah peperangan, pergolakan serta ketidakstabilan politik yang berlaku di negara-negara luar yang mampu memusnahkan ketamadunan bangsa mereka.

Yang Dipertuan Besar Negeri Sembilan, Tuanku Muhriz Tuanku Munawir bertitah, masalah seperti itu telah terbukti membantut serta merencat perkembangan sosio-ekonomi negara-negara tersebut.

"Justeru, beta menyeru kepada semua peringkat kepimpinan masyarakat agar mengeneppikan sebarang sentimen yang boleh memecahbelahkan keharmonian yang dikecapi pada hari ini.

"Adalah menjadi tanggungjawab pemimpin yang dipilih di setiap peringkat untuk merangka program yang menjurus rakyat untuk sentiasa menghargai dan mempertahankan suasana negara yang aman dan damai ini," titah baginda.


Tuanku Muhriz bertitah demikian dalam Istiadat Pengurniaan Darjah Kebesaran Negeri Sembilan sempena Hari Keputeraan baginda ke-66 di Balai Rong Seri, Istana Besar Seri Menanti, dekat sini hari ini.

Yang turut berangkat, Tunku Ampuan Besar Negeri Sembilan, Tuanku Aishah Rohani Tengku Besar Mahmud bersama dua anakanda baginda, Tunku Besar Seri Menanti, Tunku Ali Redhaudin Tuanku Muhriz dan Tunku Zain Al-Abidin Tuanku Muhriz serta kerabat diraja.

Baginda turut diiringi oleh Undang Yang Empat, Tunku Besar Tampin; Menteri Besar, Datuk Seri Mohamad Hasan dan isteri, Datin Seri Raja Salbiah Tengku Nujumudin serta Setiausaha Kerajaan Negeri, Datuk Mat Ali Hassan, anggota Exco, wakil rakyat dan ketua-ketua jabatan.

Seramai 767 orang menerima darjah kebesaran, bintang dan pingat sempena hari keputeraan baginda tahun ini.

Tuanku Muhriz juga menyeru agar umat Islam untuk terus mengekalkan keharmonian hidup sesama umat Is-



TUANKU Muhriz Tuanku Munawir mengurniakan Darjah Setia Bakti Negeri Sembilan (DBNS) kepada Timbalan Naib Canselor Universiti Sains Islam Malaysia (USIM), Prof. Dr. Datuk Mustafa Mohd. Hanefah dalam Istiadat Pengurniaan Darjah Kebesaran Negeri Sembilan sempena Hari Keputeraan baginda ke-66 di Seri Menanti, Kuala Pilah, semalam. - UTUSAN/ASWAD YAHYA

lam selain setiap rakyat juga perlu menghormati amalan agama yang dianuti oleh setiap individu.

Dalam konteks Malaysia, titah baginda, Perlembagaan telah menetapkan Islam sebagai agama rasmi Persekutuan tanpa menghalang agama lain untuk diamalkan.

Baginda turut mengingatkan semua penerima agar sentiasa men-

jaga tingkah laku kerana masyarakat memerhatikan mereka yang menerima darjah kebesaran, bintang dan pingat sebagai golongan istimewa di atas pengurniaan itu.

Pada istiadat hari ini, Tunku Besar Seri Menanti, Tunku Ali Redhaudin ibni Tuanku Muhriz mengetuai senarai penerima darjah kebesaran tersebut.